

印官先給告示曉諭其所於某日下倉仍推選監支
季官務要歷練老成平昔廉恥者預將職名開報支
部行移

欽差太監常煥并本部尚書薛 及行京通二倉監督收
放季官巡倉御史查照本部勘合到倉其各衛所監支
季官俱要隨即率領軍人等赴倉開糧如一時開支
未盡俱每日侵晨赴各倉官所將逐日放過糧數
呈報較其遲速多寡如季官仍前推調過違限期有
悞軍士人等閤支听巡倉御史及管糧官員輕則
量情發落重則奏拿問各委掌印官員選監
支官員着有微不公事發一体治罪其本衛不委官
員曉諭下倉日期而各軍故意延調過違四十五日
不行到倉開支者將糧米懸例住支本部仍行都察

宣德年間

欽依榜例再行申明出榜發去各倉常川張掛禁約緣係申明

禁約放糧作弊事理題奉

聖旨是欽此

守支官攬截漏倉取意圖先放拿問例

成化十三年正月二十三日戶部尚書楊 等題為陳言事

該本典左衛指揮使周廣謹時事奏奉

聖旨該衙門知道欽此欽遵議立前件俱題奉

聖旨是今後以時勢要責并有司聽囑的都重罪不饒者

巡按御史糾舉欽此

計開

一件脩倉廩以蘇官軍蓋國以民為本民以食為先
有倉廩所以為民也倉不修則毀壞要當時常修

理比永樂年間至今不息之工也臣且以今年論之自成化十二年二月起至九月終止做工軍人每人止開米八斗常川修倉不分班次十分艱難各衛該管官員代替揭借本身俸銀幫補買辦物料員累無辜又况倉取倒塌多因官攢人等守支年久故意戳漏行移該部准令放支奸人得志做做風乞

勅巡食御史暗行訪察嚴加禁約敢有仍前戳漏犯者痛加懲治則奸人知所惧矣且臣本衛倉係永樂年間起蓋今經六十年臣自正統十二年至今掌印管事三十餘年未聞有水患今一旦奏稱低窪水患已行折毀一半移蓋於廣庫處所尚存一半何前六十年全不聞水患今稱低窪臣愚以為必居民雜住於倉所年久糞草壅積致水下的順流間有倉聚者若命於

倉南北并東西街上起土以實中間低窪去處仍令開水道以洩水水道一開自不積水聚患自息其視改造創立用力可省萬倍矣

如蒙乞

勅該部照依永樂宣德正統天順成化十一年以前事例將軍仕分作兩班做工免其辦物料給與該支全粮庶軍士不致赴衛官員免其揭俸矣

前件查的先為京倉粮儲殊無多積四方迺年水旱災傷除歇數多議將不操練別無量難差使軍人每名月粮減支二斗以備缺之等因已經題

准通行去後至今京倉粮儲仍無九年之積今本官奏要將脩倉軍士月粮全支一石緣有前例况

今各處地方水旱亢荒無年無處無之合仍
照旧其言脩倉軍人分作兩班上工免其罪
料已該工部移咨查照其題外及言官攢人
等守支年久故意截漏倉廩要行先放或有
此弊本部行總督巡視京倉通倉內外官員
查勘有無嚴加禁約如有犯者拿問以戒
後來

監追虧折倉糧則

成化十三年六月二十日戶部尚書楊 等題為脩德
政以弭災異事該福建道監察御史手本備開刑
科抄出大理寺署左寺副事左評事等官高銓等
題稱審得犯人趙準等侵欺糧料等項數多除
仰原問衙門仍舊監追外內福州等府常豐等倉攢
典斗級李頭等四起止是收受糧米之時失於鑄鑒廩
底封閉倉廩之後不曾脩整氣樓或不督令如法篩
晒任從一緊混收在倉濕熱相蒸因而氾爛虧折等
情聞坐具本該通政使司官奏奉

聖旨是法司知道欽此欽遵抄出到道着得所奏李頭等
虧折倉糧追陪等情係隸戶部掌行用手本前去
手本到司查得先該本部議得各處官攢人等多